

新纂雲南通志卷七十八目錄

藝文考八

滇人著述之書八

集部五

別集類五

總集類

詩文評類

詞曲類

新纂雲南通志卷七十八

藝文考八

滇人著述之書八

集部五

別集類五

十二吟樓詩鈔

清李彭撰彭字述古晉寧人因培四世孫晉寧詩徵錄詩十四首

水心詩草二卷

清寇浚撰浚字溘亭一字巖江劍川人咸豐辛亥舉人浚爲人和

平坦易與俗無迂喜談諧而自守甚介內行甚篤光緒志已著錄

麗郡詩徵錄詩一首

新纂雲南通志

卷七十八

藝文考八

滇人著述之書八

一

紅葉山館詩文集

清王景昌撰景昌字潛初昆明人咸豐辛亥舉人光緒志已著錄

次民詩鈔

清朱在勤撰在勤字幼木號次民石屏人布政使臚子咸豐辛亥

舉人官四川候補道次民詩有家法南海譚宗浚爲之序甚稱之

收人雲南叢書二編

古香詩草六卷

清陳錦堂撰錦堂昆明人咸豐壬子副貢是書存詩自戊午至甲

子遭亂避蜀以幕客終詩皆蜀中之作前有繆書勛序

不自是齋詩稿

清陳鳴玉撰鳴玉字漱泉宜良人咸豐壬子進士官兵部主事

念香館遺稿

清李恩樹撰恩樹字桐階昆明人是書其子環裕校刊前有大興胡薇元昆明張濤序

不可無竹居詩草四卷續四卷

清汪世澤撰世澤字少谷昆明人咸豐癸丑進士官江西知府前有張岳齡序及自序

慎餘書屋詩文集

清馬恩溥撰恩溥字雨農太和人咸豐癸丑進士由編修官內閣學士江蘇學政任閣學時於滇中亂事最爲關懷故其文如奏摺書牘論說等篇皆關係時事之作非尋常文字比也詩古體雄健近體淵雅亦各擅其長

香南館詩集

清曾彬撰彬字小林建水人咸豐乙卯解元彬天資穎邁學力亦深其所交友孫清元朱在勤皆留心風雅之士而又壯遊萬里寢饋唐人得王孟高岑之一體歿年三十一後裔曾傳經印行世呈貢秦光玉爲之序

漂麥書屋遺稿

清高文鳳撰文鳳字鳴廷石屏人咸豐乙卯舉人官楚雄縣教諭桐音館詩集六卷

清龔嘉儁撰嘉儁字幼安昆明人咸豐丙辰進士官主事外任杭州知府其詩雅麗工細七律佳句甚多使粵一卷尤佳

紅樹山莊詩草四卷黔遊草一卷

清劉家達撰家達字仲鴻號退翁寧州人諸生成同間以保衛地方功保薦四川補用道家達爲大紳猶子學有本源紅樹詩草存詩自道光乙未至同治戊寅太和楊高德序於前李允華家達行誼論略次之孫清元熊家彥王述先梁燿午宋延春王寶書有題詞黔遊草自己卯至光緒辛巳四川許繼樑有序光緒志著錄名潭西草堂詩存殆初名也收入雲南叢書

鷓鴣村舍吟草

清方秉孝撰秉孝見前史部地理類山川河渠有盤龍山紀要晉寧詩徵錄詩九首

嘉遯吟草

清丁肇榮撰肇榮字策勛歲貢石屏人生咸同間遭亂避地山中

教授終老

水石居詩文集

清王綺珍撰綺珍字漁珊石屏人咸豐己未進士官吏部主事光緒志已著錄

鶴嶠詩文八卷

清劉克忠撰克忠字志舟安寧人咸豐間歲貢生光緒志已著錄

古檜齋詩鈔一卷

清蘇侗撰侗字守愚號樸齋石屏人不慕榮利性耽吟詠與其室丁玉琴倡和之雅一時稱羨詩格近香山劍南滇詩重光集錄詩五十首

桐軒詩稿四卷

清劉晉康撰晉康騰越人是集未刊詩凡三百餘首其家藏鈔本存騰衝圖書館

枕流樓詩稿燕遊小草華竹鴻泥詩草伴蝶山房詩草

清段韻蘭撰韻蘭字心言號琴溪劍川人同治癸酉舉人歷官元謀教諭順寧教授致仕歸里長金華書院麗郡詩徵錄詩十九首欲寡過齋臚稿

清歐訥撰訥字子敏易門人是書前有方玉潤序
仙籌遺詩一卷

清秦鶴齡撰鶴齡字子延號仙籌呈貢人官元謀縣訓導其詩佳者盡佚觀其題殆少年體物分詠之作

古香齋遺稿

新纂雲南通志

卷七十八

藝文考八

滇人著述之書八

四

清秦松齡撰松齡字子貞號秀峯呈貢人恩貢生鶴齡從弟和羹用汝集同心之言集虛心晚節集三集

清段永源撰永源字廉泉號錦谷晉寧人有信徵集已著錄分詠梅蘭竹菊四種不免體俗滇詩叢錄梅一首蘭三首竹一首永源多仄韻七絕別有風趣然唐宋人此體最長升庵詩話嘗選之才弱而效其體故不能見長也

就正草

清段興宗撰興宗字子振河陽人廩貢生以軍功保舉知縣分發四川辦富榮貢井鹽釐局務興利除弊成績卓著推升永川琪縣等知縣均有政聲庚子以後絕意仕進僑寓成都以詩畫自娛其詩樸茂淵懿得性情之正

秋航詩鈔

清任榮壇撰榮壇字秋航石屏諸生光緒志已著錄
榴實山莊詩稿

清戴德彬撰德彬字雅南石屏人其詩工細秀潤頗近浪仙武功
之長五言勝於七言

梅岑詩草二卷

清蘇林春撰林春字梅岑石屏人諸生林春工畫尤勤吟詠詩集
外並著有蘭窗清話可謂敦品好學之儒

懋勳堂吟草二卷

清魏成梧撰成梧字丹阿昆明人是書前有古北平趙光祖序成
梧生平以刑名業歷吳楚秦蜀各上都詩筆亦清雅

溟南吟草

清羅一鵬撰一鵬順寧人是書爲其子爲藩爲垣爲炳校印前有
石屏張華瀾保山段字清序

愛竹館遺詩四卷

清李瑞裕撰瑞裕字竹農昆明人同治戊辰進士選庶吉士年少
清才詩筆秀雅橐筆邊塞有沈雄悲壯之致惜享年不永未得極
其所詣而卒內分京華集秦中吟北上草南遊草貴筑徐鼐爲刊
行

五塘詩草二卷五塘雜俎一卷

清許印芳撰印芳見前子部雜家類印芳本兵家子其父開甲以
束髮從軍未嫻文事爲恥故督印芳學特嚴稍怠則弛弦鞭之印

芳即亦奮勉顧資鈍書讀百遍不成誦則擇要鈔之黏座隅暇輒尋繹之必至熟乃更他紙數十年不輟以故經疏史註及他書校勘記序例罔不成誦其精博可知也喜爲詩主生澀恥沿襲凡古人所已用者避之己所曾用者亦避之不獨辭也意境亦然惟法律則篤守古人不失銖黍嘗謂鍊辭鍊意據事實鍊氣鍊格法古人詩文求新之道在是矣故所爲五塘詩以杜爲實而取奇於韓取幽於賈取練於半山取意化於蘇陸取高老於后山簡齋元以後則涉獵之而不奉爲師資也其雜俎一卷即印芳之文也其文精於攷據不規規於古文義法乃學問家之文而非古文家之文也收入雲南叢書

石蓮齋詩草經吹堂初稿

新纂雲南通志

卷七十八

藝文考八

滇人著述之書八

六

清李熙文撰熙文字穎卿一字叔豹文山人同治甲戌進士改庶吉士乙亥九月疾沒貴州省旅次熙文天才卓越性情篤厚古體清警恣逸格近韋柳律詩力求老健摹仿杜陵意境高超筆勢突兀惜英年殞謝未能極其所詣雲南叢書處略爲刪定收入叢書定名爲李叔豹遺詩

一覽衆山館詩

清秦錫齡撰錫齡字夢九呈貢人同治庚午舉人鶴齡弟以軍功保舉直隸州知州權郎岱同知丁外艱未盡其用而卒其詩詣力雖未精深卻饒清麗之致

吉人詩鈔一卷

清孫清士撰清士字吉人呈貢人同治辛未進士官達縣知縣清

士詩筆俊逸五言宗法少陵雖未能至然去后山簡齋不遠七律亦多佳句七古清穩七絕稍遜門人什邡馮譽驄鉛印於四川同門劉聲琦跋於後雲南叢書附其兄清元後定名爲呈貢二孫遺詩

居敬持志齋詩鈔十四卷

清簡宗杰撰宗杰字南屏昆明人同治壬戌進士是書內分半月山房集北遊草硯耕集壯遊草濟艱集蜀遊草燕臺集彈冠集農部集遼東紀遊草鳴盛集榆西吟館集前有戈靖序沈壽榕畢應辰龔嘉雋鍾琇羅宙題詞宗杰詩筆清雋篤雅有節浮沈郎署生際亂離感時悲憤之作尤覺可歌可泣近體工於古體滇詩叢錄錄詩六十九首

寄萍小草

清余廷治撰廷治字寶丞太和人歲貢生官祿豐縣訓導續光緒志已著錄

一笑先生詩文鈔三卷

清李玉湛撰玉湛字會侯一字韞川號一笑先生麗江人同治庚午舉人大理西雲書院監院玉湛幼負才名受知於吳學使存義又從黃侍郎琮戴侍郎綱孫遊學大進咸豐軍興玉湛毀家紓難籌衛桑梓艱苦十數載卒復鄉郡而有功不居時論高之光緒丁亥卒年六十一趙藩爲之傳稱玉湛爲詩初嗜庾信繼宗杜甫蓋身世所遭關山烽火骨肉死喪百感紛來而忠孝纏綿一語百咽與古人上契神明非苟求形似者比亦非獨感時紀事之篇多可

備來者考證而已其詩二卷駢體文一卷收入雲南叢書麗郡詩徵錄詩二十四首

桐花館詩鈔六卷

清彭啓商撰啓商字柱臣會澤人同治癸酉舉人是書前有崑岡梁肇煌昆明鄒澤序及自序

耕心堂詩文集

清倪藩撰藩字翰卿昆明人同治庚午舉人官甘肅候補知府是書文集卷數不詳詩內分鋤經餘吟待雲草都門閑吟蓬轉吟退思吟凡六卷吳式釗評清新俊逸各體兼工五七律尤具彈丸脫手之妙無一危苦語

紫薇軒遺稿

清王肇基撰肇基蒙白人同治庚午舉人

南村詩草四卷

清張棠蔭撰棠蔭字愛伯安寧人同治癸酉舉人官廣西知縣江陰金武祥稱其詩風格迥上最爲周昞叔都轉所賞收題會稽王孝子七古一首於粟香四筆

怡雲草堂詩鈔三卷

清李承祐撰承祐字軒民晉寧人同治癸酉舉人官涪益州學正元謀縣教諭承祐存詩自咸豐丙辰始至光緒乙亥止爲二卷曰偶然吟前有晉江吳魯攸縣胡國瑞序及自序吳魯謂賦閒諸作如陶彭澤亂離諸作如杜工部胡國瑞謂公餘挑燈展誦舉數十年馬轍車塵驅馳南北耳所聞目所見以及身之所經白衣蒼狗

世局靡常皆無足以撓其念偶然而值君國之難則忠愛若少陵
偶然而怡山水之情則灑落如彭澤書曰詩言志志不可見於詩
見之因嘆廣文之學與識爲不可及已承祜官霑益時所作曰東
鐸編官元謀時所作曰西鐸編爲第三卷前有鄧川楊瓊序同邑
方樹功題詞

滇雲集一卷

清張璈撰璈字雲雅昆明人是書附詞一卷畢應辰校刊前有應
辰序巴蜀張毓芝評光緒癸未刊

養心書屋詩稿

清曹柄仁撰柄仁字述禮劍川人諸生麗郡詩徵錄詩三首

憶舊集

新纂雲南通志

卷七十八

藝文考八

滇人著述之書八

九

清張翊撰翊字漢臣號雲屏劍川人諸生麗郡詩徵錄詩八首
待月山房詩鈔

清張輔運撰輔運字際昌一字月帆劍川人歲貢生麗郡詩徵錄
詩二十一首

槐蔭山麓詩一卷

清嚴蔭曾撰蔭曾字子蕃宜良人諸生琅曾孫是書共存詩三十
七首而咏梅之作占二十七首皆近體

消畫集一卷

清嚴仕道撰仕道字秋生宜良人諸生是書存詩四十六首

藕香亭詩鈔一卷

清張振字撰振字昆明人

惜分陰集四種

清張繼昭撰繼昭字庚六浙江山陰人幕遊至滇性清介所主稍異趣即謝去晚館於鶴慶州牧童懷清所改革後州人楊太守金鑑復延之佐治遂家焉歿葬城西坡頭邑麗郡詩徵錄詩十四首四香齋詩鈔

清張再謹撰再謹字懋誠一字定生劍川人光緒乙亥舉人與兄舉人再洛齊名爲正定縣知縣復吉子再謹兼工寫生人物麗郡詩徵錄詩九首

小滄浪館詩集

清蘇嘉淦撰嘉淦字櫟生晉寧人由議敘官海寧州知州晉寧詩徵錄詩七首

新纂雲南通志

卷七十八 藝文考八 滇人著述之書八

一〇

雙桂花館詩鈔

清張申巽撰申巽字簡之號印山蒙白人光緒乙亥舉人官南安州學正滇詩重光集錄詩三十二首

謙益堂詩鈔

清鄧煜撰煜字悔人蒙白人歲貢生滇詩重光集錄詩十三首

紅杏山房詩鈔一卷

清張保岐撰保岐字鳴瑞元江人光緒乙亥舉人官大理府訓導鎮沅直隸廳教授是集詩一百零五首武陵劉鳳苞爲之評點

獻吾遺稿一卷

清尹賡謨撰賡謨字月卿雲龍人光緒丙子舉人

陶廬詩存

清吳燾撰燾字子明保山人光緒丙子進士歷官吉林提法使
倉文詩集十卷

清王寶書撰寶書字倉文昆明人光緒丙子進士官四川候補同
知是書未刻

不冷堂遺集四卷

清張舜琴撰舜琴字竹軒石屏人光緒丙子舉人歷官昆明太和
等縣訓導升順寧府教授宣統辛亥改革仰藥殉節是書卷一詩
卷二文卷三聯語卷四附錄前有瀘西陳度序舜琴詩文皆性情
之所流露非絺章繪句之學所可比擬收入雲南叢書

天船詩集三卷

清張星柳撰星柳字天船原名星源昆明人光緒丙子舉人是書

新纂雲南通志

卷七十八

藝文考八

滇人著述之書八

一一一

內分友聲北征倚嘯三集共一百七十四首前有昆明施有奎石
屏朱庭珍江南許廷培序星柳生負異才幼以文學知名尤雄於
詩庭珍以其妹妻之庭珍序云其論詩專宗玉局最嚴於法晚年
稍參昌黎劍南一變而生刻沈摯功候頓進蓋宗旨頗近初白而
造詣時偏心餘卒後庭珍爲刊行於世收入雲南叢書

求是齋詩集

清劉家梓撰家梓字慶生建水人光緒丙子舉人官陸涼州學正
前有吳昌祀曾傳經序周安元跋傳經乃其女婿爲印行於世

詠岡詩草

清雷昶撰昶字詠岡石屏人光緒丙子副貢任富民縣教諭啓迪
後進出於至誠鄉人至今稱之所著多由天籟不假思索句如伏

櫪鳴聞百戰馬驚寒唱聽五更雞花明蓼岸勞青眼艇度菱塘碎
碧天山含畫意橫窗鎖水弄琴聲漱石流有蕙思款客無柳不倚
門皆有鎔鍊之功

賦梅書屋詩六集

清宋廷樑撰廷樑字子才一字梓儕晉寧人光緒丁丑進士官江
西候補知府權臨江府知府是書初集四卷二集三卷三集二卷
四集一卷五集二卷六集四卷初集有趙藩序王先謙賀壽慈華
祝三長祿瑞璋汪世澤寶鴻甄施葆修張鳴珂胡欽程煥評跋趙
藩沈壽榕李乘時許印芳謝文翹宋延春程煥鄧蓉鏡劉光煥馮
永年題詞二集有鄒福保王繩祖許承家王邦璽李克鎔題詞三
集有吳祖椿序傅鍾靈勒深之吳寶鎔程珏范濂陳日新題詞四
詩自乙亥至丁未止刻於江西

蟹石閣詩草

清馮桂芳撰桂芳字月軒昆明人光緒庚辰進士官刑部郎中
是亦爲政齋詩文稿

清楊金鑑撰金鑑字敷庭鶴慶人金鎧兄光緒壬午舉人銓安寧
石屏學正均以親老未赴民國丁巳卒於家麗郡詩徵錄詩七首
怡山詩草十三卷

清李相撰相字鏡若昆明人光緒丙戌進士官湖北知縣相才氣
橫軼綺歲刻意苦吟戛戛獨造壯遊後詩律漸細亦復力求修辭

又病於意志複雜覺性靈幾爲汨沒然相天爵素厚孝弟之心油然言表惜年四十二而卒不克盡所欲言倘天假以年其造詣未可限量

香雪館遺詩一卷

清張瑩撰瑩字子琳一字鶴君會澤人光緒乙酉舉人官國子監學正學錄是書前有趙藩所爲傳稱其於經史掌故詩古文辭日營手攬如飢覓食如渴求漿而尤嗜爲古今體詩抗聲長吟樂而忘倦惜年三十有二而卒卒後藩爲刪定其詩得五十篇收入雲南叢書

穆清堂詩鈔三卷續集四卷

清朱庭珍撰庭珍原名庭凱字舜臣一字小園石屏人光緒戊子

舉人生有異稟讀書過目不忘幼隨其父宦山東賦蓬萊閣詩出語已驚長老嗣遊幽燕詩益進歸值滇亂任俠好義嘗避仇入省轉徙迤西東楊武愍延參戎幕克復大理與有謀焉武愍屢欲保薦之辭不受意不欲以他途進也無如垂老乃登鄉薦復三上春官不第乃絕意科第與二三知好結吟社於蓮湖以詩古文辭提倡後進吾滇風雅賴以不墜者庭珍之力也石屏朱氏代以詩名自朱贖振聲在勤嗣響子贖若庭碩姓贖若芬庭珍弟皆以詩鳴而庭珍之作尤傑出蓋篤守家學取法於杜取俊於李取豔於玉谿取幽於長吉取奇於昌黎取縱橫變化於蘇黃於元師遺山於明師青邱獨鹿於清師牧齋道諛彭城秀水而尤心折鉛山云庭珍早歲之作才氣縱橫法度完密模範山水詠懷古蹟諸作尤爲精到至晚

歲則純任自然不復若前之鍛煉而自合矩矱蓋竭精致力者已四五十年所謂讀萬卷書行萬里路者皆躬行實踐焉宜其藝之精也卒年六十有二收入雲南叢書

虛齋詩集十五卷文集八卷

清陳榮昌撰榮昌見前史部地理類雜志詩集屬編年體其爲集也凡十有二曰持志曰輜軒曰燕市曰南歸曰九龍池曰五華山曰東遊曰後輜軒曰曇華曰朝天曰尊孔曰海濱都古近體千五百餘首文集屬分類體凡十有七類曰賦曰奏疏曰訓曰書曰議曰辨曰論曰說曰雜著曰贈序曰壽序曰序跋曰贊曰箴曰銘曰哀祭曰碑記曰墓誌都二百餘篇詩文集均已刊行板片由昆華圖書館保存

新纂雲南通志

卷七十八

藝文考八

滇人著述之書八

一四

桐村駢文二卷

陳榮昌撰榮昌見前條是編乃榮昌集其所作駢體別爲一書釐上下二卷上卷載文二十六篇下卷載文二十四篇簡端有戊午年槧書時自撰識語

前漢樂府二卷

陳榮昌撰榮昌見前是編乃仿樂府體例而以西漢史事爲題釐上下二卷史筆韻語月旦曲直非吟詠風月之詩可比已槧版行世

出山小草

清歐陽霽撰霽字韻初一字雨蒼劍川人光緒戊子舉人是書爲霽會試北上途中之作皆七言絕句前有自序已刊行麗郡詩徵

詩二首

求樂齋詩文稿

清陳思誠撰思誠字子敬一字思齋劍川人光緒己丑舉人官曲靖府訓導是書麗郡詩徵錄詩四首斷句如山靜鳥聲如喚客林疏雲氣欲留人幾灣石徑隨溪曲一路松陰帶柏香亦可誦也袖嶽廬詩藁四卷

清吳式欽撰式欽字紹春保山人光緒己丑舉人是書未刻前有南海譚宗浚題詞

小赤城霞仙館詩四卷

清鄭徽典撰徽典字丙堂太和人光緒癸卯進士官涉縣知縣未竟所學遽卒於官徽典早年登賢書博覽載籍談吐犀利羣許爲

未易才顧屢厄於公車六試而後得第故其詩縱橫恣肆兀傲不平中年好遊踪跡徧南北又多風懷旖旎之作惟其才氣過人任情抒寫於字句律法間有欠斟酌者壬寅以後漸臻老練感時撫事諸篇尤徵典切綜其所作雖少失詩人溫柔之旨要皆爲性情自道之言

耐叟詩存

清王樹和撰樹和麗江人光緒辛卯舉人詩不多存稿卒後門弟子搜得六十餘首

子山詩草

清宋廷模撰廷模字子山晉寧人廷樑兄光緒癸巳舉人官福建平潭同知晉寧詩徵錄詩六首

知非軒詩文鈔四卷

清孫文達撰文達字采臣昆明人光緒甲午舉人官象州知州保知府文達詩文甚富雲南叢書館選四卷收入二篇

師竹齋遺稿二卷

清張啓曾撰啓曾字迪臣太和人光緒丁酉舉人戊戌北上未第歸己亥某月卒年二十

小於舟屋詩一卷

清段榮美撰榮美字又谷光緒丁酉選拔性孤而僻不與人和惟於文章老宿則心折之詩學得師友輔助爲多遺詩二百餘首卒於京師友人袁嘉穀輯印霸縣高步瀛爲之序滇詩叢錄錄詩三十一首句如三月光陰流似水一腔心事亂於雲況於亂後懽懽

少每到秋來感事多蝸篆沿階蒼蘚雨蝦鬚拂地綠楊風五里垂楊攜酒地半塘新藕養花天四座鶯花齊到眼滿天風雪獨登樓學以濟時醫以補貧而無業仕何妨山光青到城邊路人影紅低湖上船皆可傳誦

客館閒吟一卷

清董大純撰大純字小亭騰越人同邑李曰垓張潤德爲之序來鳳山館詩文鈔

清趙端禮撰端禮字會樓騰越人光緒己卯舉人

甌東集二卷

清和廷彪撰廷彪字虎臣麗江人由諸生納粟歷官思恩府知府陳榮昌稱廷彪人中豪詩可謂詩中豪

遺愛集六卷

清袁嘉端撰嘉端字少凝石屏人官鄰水縣知縣爲民疲命卒於任鄰水建遺愛祠因以名其集

亦軒遺詩

清楊昌撰昌魯甸人是書趙藩爲之刪定前有藩及吳式釗序後有李嘉瑞跋

師竹軒集詩

清劉樹堂撰樹堂字景韓保山人後寄籍安徽宣城官至浙江巡撫是書王闓運爲之點定

二瞻堂詩鈔七卷

清張軒祚撰軒祚字荷之石屏人張侍御漢孫幼承家學老困棘

新纂雲南通志

卷七十八 藝文考八 滇人著述之書八

一七

闡詩風格穩成時有警句近體長於古體詠史諸作頗多奇思
子程遺詩

清袁景伊撰景伊字子程石屏人廩貢生四川候補州判詩學唐人宛轉關生俊拔典則各體兼擅家居提倡後學朱在勤許印芳結如蘭詩社景伊與焉

雪樵詩鈔

清袁嘉樂撰嘉樂石屏人其詩由白蘇入門欲摩浣花之壘惜不永年未及深造然清婉可誦不似公安之俚淺錢用中爲之序滇詩叢錄錄十九首

冷官詩集一卷

清袁嘉謨撰嘉謨字銘泉石屏人廩貢生巧家廳訓導歷署嵩明

州訓導永昌開化兩府教授

衢亨遺稿一卷補編一卷

清繆爾康撰爾康字衢亨號履莊宣威人光緒間廩膳生少負才名年二十六而卒是書爲其弟爾綽爾緯爾紆所編輯前編有爾綽爾緯爾紆序及爾綽撰事略補編有爾紆序瀘西王用予撰墓誌銘民國丁巳印行

羅楊二子遺詩二卷

清羅宿楊致中撰宿字星樵致中字署銘劍川人同舉光緒癸卯舉人同早卒趙藩各選詩一卷並爲序以傳之收入雲南叢書二編

陶詩彙註六卷

清許印芳增訂印芳見前子部雜家類是書印芳以近日坊刻陶詩無善本取家藏歙吳瞻泰彙註重爲校勘補闕正訛續鈔詩話付梓以廣其傳收入雲南叢書

日梅軒集

明王氏撰氏保山萬綸室道光志已著錄

藏密詩鈔一卷

清龍貞女撰貞女昆明人髫年字臨安諸生劉恬爲繼室庚午恬捷於鄉貧未成婚遂北上成進士歸里卒貞女聞訃歸劉撫孤成名是書臨安知府王文治爲之序云菴苑之草心本易傷共命之禽理無獨活又云崩城哭市或無飛絮之才習禮明詩或乏貞松之節以文兼行自古爲難考厥遺徽有關風化蓋實錄也道光志

附恬吹壘吟錄之今爲之別出滇詩錄玄鳥行五古一首爲集中傑作云

繫香草

清李含章撰含章字蘭貞晉寧人因培長女適歸安葉佩蓀爲繼室幼隨父任通經史善詩文有班謝家風自適佩蓀方伯得刑于唱隨之化學日進詩名噪甚著有繫香草若干卷道光志錄是書於其父因培集之內保山袁氏昆仲輯滇詩略以未窺全豹爲憾後含章長子紹樞典試滇南以織雲樓詩合刻示袁文揆錄詩一百二十四首入滇詩略續刻爲一卷錢塘汪庚識其後曰名媛詩近日豔稱錢浣青夫人暨家孀方芷齋兩家謂出入大家無士女鉛華之習然要未若蘭貞太夫人之渾灑流轉一追正始即裙屐

士夫亦難造此化境庚於里門戚串中夙仰周太夫人之才而早世不圖蘭貞太母之卓然成家蓋扶輿靈淑之氣萬里而還鍾於一室伏讀此卷則聞沚方伯之縹緗衣益毓秀三公者正方興未艾可望氣識之也奚止青綾帳外得謝家羣從之樂哉嶺南溫女驥識其後曰近代名媛能吟咏者一二句留傳便已膾炙人口其斐然成章卓卓可誦亦不過律詩絕句而已孰有淵源三百嗣響漢唐如李太夫人之各體兼善者乎夫發乎情止乎禮義詩之教也全集和平溫厚固多情到之作而興之所寄立言尤得體要洵非彤管所能步其芳躅也云云袁枚隨園詩話亦甚稱之

繡餘吟草

清周馥撰馥字雁沙太和人趙廷玉室詩四十三首前有山左王

厚慶寧州劉大紳及廷玉序後有沙琛撰傳道光癸未_年趙懿歸宗男楊載彤校刊

繡餘偶吟二卷

清丁玉琴撰玉琴字桐音石屏人丁應鑾女蘇侗室詩筆致清倩巾幗中亦屬難得_另林春孫慈慧校刊前有其兄丁運泰及呈貢孫清元題詞後有林春跋及林春撰丁太君節略詩有評語未知出自誰手

漱芳亭詩草

清袁恭人撰恭人趙州人袁惟清女谷際岐子暄之室其子涵榮輯詩三十一首前有喬松年尹耕雲邊淪慈曹星煥跋陸襄鉞許以保題詞孫爾熾序其後涵榮撰恭人行述殿之刻於河南雲南

叢書附刻谷際岐西阿詩草後

芙蓉吟館詩鈔

清李仲筠撰仲筠字秀如晉寧人宿州州判光珽女適閩陳雲章刺史劉尙文續梅花百詠齋詩話採其詩最多稱清思逸藻惜不

永年

朝天集

明釋無極撰大理府通判黟縣黃元治爲之序無極洪武間感通寺僧授大理府僧綱司都綱道光志已著錄

蒼山集

明釋洪如撰洪如號無住俗姓鄧定遠人崇禎間雲南縣水目寺僧別有空明集室中問答拈花頌舉古雞山語錄苦海慈航集見

子部釋家類道光志已著錄

風響集禪師頌

明釋禪撰釋禪號本無俗姓張名初俊昆明人萬曆間麗江悉檀寺僧詳宗教考二書道光志已著錄

南來堂詩集四卷

明釋讀徹撰讀徹字見曉號蒼雪呈貢趙氏子昆明妙湛寺僧後住蘇州支硎山重興支公道場是書前有雞足寂光眷孫正脈題象贊二蒼山比丘圓鼎題象贊一徐波錢謙益題辭陸汾序募刻小引凡例六則圓鼎鈔錄續例五則門人行敏等蒐輯詩後附錄寄徒三和書謙益撰塔銘笑庵後述圓鼎錄詩拙語滇詩略錄六十首滇南詩選錄二十六首滇詩拾遺錄一百三十首吳梅村集

以贈蒼雪詩冠首王漁洋謂近日釋子詩以滇南讀徹爲第一讀徹詩學唐服古功深當改革後常有滄桑之感收入雲南叢書

儵園集檄庵集十四卷

明釋普荷撰普荷名通荷號擔當俗姓唐名泰字大來晉寧人天啓間貢生廷試不第嘗執贄於董其昌之門又與陳繼儒相往還過會稽參雲門湛然禪師回滇未幾聞中原亂遂薙髮從無住禪師戒律結茅雞足山善畫工詩儵園集儒生時作檄庵草則出世後詩也其自跋檄庵草云前名普荷從戒師無住遵戒而不嗣法今名通荷從先師雲門嗣法而遵正眼是書道光志已著錄收入雲南叢書原書尙未得全原刻儵園集前有李維禎陳繼儒董其昌序詩前列滇中唐泰大來著自萬曆丙午起至崇禎壬午年止

共七卷檉庵草前有自序並跋詩前刻雞山僧普荷通荷擔當著
自崇禎壬午年起未未署止年亦七卷雲南叢書收入易其名曰
擔當遺詩滇詩略錄詩八十二首滇詩拾遺錄詩八十四首
清心集

明釋本智撰本智字朗目南寧人嘉靖間普照寺僧是書道光志
已著錄滇詩略錄詩六首

一衲雲遊草

明釋行脚撰行脚劍川向湖村趙氏子名鼈字海六諸生明末入
寶巖居披薙詩已佚僅傳雞足山題壁一首

竹室集

明釋淨倫撰淨倫號大魏別號竹室俗姓康昆陽人成化間成都

新纂雲南通志

卷七十八

藝文考八

滇人著述之書八

一二三

萬佛寺僧詳宗教考滇南詩略云淨倫昆明人天順間太華山佛
嚴寺僧往金陵牛首山承受古庭衣鉢遂到西蜀大興萬佛禪林
有語錄詩集載在南藏道光志已著錄

子部釋家類曹溪一
滴亦收此集在內

漱玉亭詩集六卷

清釋超淵撰超淵字心璧昆明人康熙間爲僧遍遊名山善爲詩
商邱宋榮巡撫江西延主廬山開先寺時與往還比東坡之得佛
印寺有漱玉亭爲南唐中主時棲隱之地因以名集爲廬山志載
心璧漱玉亭詩數卷與此本合滇南詩略作超遠謨詩略錄六首
道光志已著錄

半雲軒稿臺山集

清釋照元撰照元字月鑑霑益人康熙間州城東五臺山僧道光

志已著錄

螺峯吟稿

清釋道易撰道易字中和康熙初昆明妙湛寺僧道光志已著錄
墨光樓詩集

清釋廣見撰廣見字多文號瞎空康熙間尋甸音吼庵僧道光志已著錄

聯珠山集

清釋寂泰撰寂泰號脈山河陽人康熙間文明寺僧是書劉驥訂
驥號秀亭安福人康熙壬戌進士四十四年官澂江府知府道光志已著錄

潮音閣集一卷

新纂雲南通志

卷七十八

藝文考八

滇人著述之書八

一三二

清釋光勳撰光勳字道南是書康熙癸亥浙江胡清華序稱光勳
父官黃平州知州臨卒以子授僧師林遂為僧焉後遊滇隱弄棟
禺同間今夏余還黔光勳亦理東下之策錄其詩命序云云案集
外附碑記及贈言別為一卷有康熙甲子光勳住持昆明白衣寺
丐總督蔡毓榮巡撫王繼文副都統德爾德撰重建各碑又湖廣
易廷柱贈光勳序稱光勳端溪人俗姓區白衣寺僧是癸亥之歸
不果遂終老於滇也道光志已著錄

碧嶢清詠

清釋通問撰通問字希有俗姓楊安寧人嘉慶間昆明普賢寺僧
道光志已著錄

黃山吟草雲遊集

清釋妙明撰妙明字雪峯一字松庵麗江黃山寺僧妙明詩從邑人馬之龍昆明華亭寺僧巖棲學清雅有門徑黃琮王發越木淳李樾和助爲之序黃序稱其樸實無妄語曾遊九鼎三峨下峽入武當山而還雖托跡空門而事母至孝殆墨名而儒行者滇詩嗣音集錄詩四首麗郡詩徵錄詩十二首

禪餘集四卷

清釋淨樂撰淨樂昆明白馬廟僧是書前有謝瓊序滇詩嗣音集錄一首

釋巖棲詩草

清釋慶有撰慶有字昌雲號巖棲昆明人葵向寺僧後住持華亭寺初學詩於麗江馬之龍後又得學使吳存義切磋詩學大進負

一時盛名呈貢孫鑄書刻於華亭寺者二十餘首山陰陳鷗取妙高寺僧續亮所作者合刻之名曰巖棲梅庵詩合刊陳鷗及劍川趙藩昆明李坤爲之序滇詩嗣音集錄詩五首

梅庵詩鈔一卷

清釋續亮撰續亮字清光一字月谷昆明妙高寺僧富民劉氏子家素貧其父死時遺一子八歲而續亮猶未生也比生而境益窘母以鍼滂瞻之度不能俱活乃送續亮入五華山爲僧時年方四歲續亮夙穎慧了徹經旨間以餘力爲詩無蔬筍氣吳學使存義吳觀察仰賢喜與之遊故詩益進且生有至性雖皈依彼教而語門祚衰薄骨肉彫零輒泣下嘗爲夢母嘆人競傳之見者莫不酸鼻殆昌黎所謂墨名而儒行者歟光緒丙申示寂於城中之天君

殿僧臘六十有八其徒浼李坤爲之編訂坤與陳鷗有序已收入雲南叢書

龍山詩頌二卷

釋昌禮撰昌禮見前子部釋家類是集附刻語錄後

垂柳庵詩鈔一卷

清釋得一撰得一字如天海映庵僧昆明段氏子舉人段楨齡之叔與巖棲月谷相酬答陳福昌爲印行

總集類

滄海遺珠四卷

明沐昂輯昂字景頤黔寧王英之仲子官雲南都督是書輯朱經方行朱繚曾烜周昉韓宜可王景彰樓璉王汝玉遂昶平顯胡粹

中楊宗彝劉叔讓楊子善張洪范宗暉施敬僧天祥機先大用二

十一人之詩

四庫提要誤爲二十人

詩皆瀏亮和平之作與臺閣體爲近皆宦于

滇謫于滇遊于滇者之作僧三人皆日本籍可見明初遊人之盛書在康乾時猶盛靜志居詩話甚稱之收入四庫全書雲南叢書復探入

邃庵集一卷續集一卷

明楊一清輯一清見前史部詔令奏議類是書爲一清官中書舍人時卜居於長安右門之右名其藏修之所曰邃庵因以爲其字李西涯倡爲之解繼而爲銘爲說爲記爲跋爲賦爲辭爲古今體詩者凡若干篇一清出典學政去庵且二紀矣海內能言之士慕庵之名而形於著作者猶未已一清輯而成卷正德六年禮部尙

書湖東費宏序其前一清門人翰林院修撰高陵呂相序其後又一清官太宰時一時名公卿復爲辭爲答問爲頌爲詩者又若干人一清輯爲續集陝西按察司副使維揚朱應登序於後一清門人馮汝揚爲之梓雲南叢書館遂鈔國立北平圖書館藏明正德間刻本收入叢書二編

明雋

明董難輯難見前經部小學類是書萬曆志已著錄

選詩補遺

明唐堯官輯堯官見前集部一是書前有小引云詩三百篇後惟梁昭明太子文選所輯者足繼其響世共珍之矣升庵楊太史氏復輯選詩所遺者爲外編爲拾遺與選詩並傳云余每出必攜三集偕行第載在古文苑樂府諸集者尙有遺焉非完帙也迺暇日復擇諸集中之膾炙人口者錄爲補遺二卷用便觀覽云云時隆慶五年昆明華世堯得鈔本收入雲南叢書

金華文徵二十卷

明阮元聲輯元聲見前集部一有金華詩萃十二卷四庫集部總集類存目有提要四庫總集類亦著錄

金華詩萃十二卷

明阮元聲編元聲見前條有南詔野史已著錄四庫集部總集類存目提要云是書輯自梁迄明婺人所作詩二百五十四家自樂府迄六言皆以體分每篇後間附評語蒐輯頗富而略遠詳近未免失之氾濫

森玉集二十五種

明陳璧光撰璧光字荆岫石屏人明季歲貢生是書道光志已著錄

紹箕堂集

明唐泰輯泰即釋普荷見前別集類五是書泰輯其曾祖金祖堯官之五龍山人集父懋德之十海詩集合刻之名紹箕堂集李本深爲作序道光志已著錄

斯文易簡錄四卷

清傅爲訥輯爲訥見前經部禮類是書正編二卷有自序選周程張朱五子文附錄二卷選董仲舒司馬遷劉向諸葛亮劉邵至清初有關五倫與經國之文後有趙城黃登賢序全書每文後自有

評語

蘭山課業風騷補編

清周樽輯樽見前經部諸經總義類是書道光志已著錄

國朝詩采

清孫髯輯髯見前集部三有永言堂詩文集是書道光志已著錄
振聲類稿

清盧鐔撰鐔字振聲石屏人侯瓚子乾隆辛巳進士官蒙化府教授道光志已著錄

金碧詩雋

清盧夔輯夔字官汝號鳳岡昆明人乾隆間歲貢生官平彝縣訓導道光志已著錄

明滇南詩略十卷國朝滇南詩略二十四卷續滇南詩略十卷

清袁文典文揆同輯文典文揆見前集部三明詩略文典輯前有萊陽初彭齡江都蕭霖序並文典自序是編卷首爲滇南古詩略自漢至元時凡十七首卷一以後俱明人之作經初彭齡鑒定嘉慶己未成書國朝滇詩略前有古皖江濬源餘姚翁元圻趙州師範序並文揆自序經江濬源翁元圻鑒定嘉慶己未成書續詩略前有彌勒樂恆序並文揆自序經長白法式善金匱楊芳燦歸安葉紹楨山陰史致光桐城吳詒澧鑒定嘉慶壬戌成書三書之成當時服官於滇及滇中負有文譽者凡數十人爲之同輯參訂參訂同輯諸家與書寫同校各姓氏備列於明詩略前詩文典文揆有眉評未署名至各家後之跋語則各署名於後滇雖僻遠而能文善詩者不可勝數因前無纂輯致湮沒不彰者又不知凡幾袁氏昆弟微官末秩以母春秋高同時請養歸搜編詩文至八十餘卷授刊流布其有功於滇南文獻者至鉅眞州程葑見之曰舉數百年之零珠碎璧合而成寶使古今人一片苦心不致埋沒凡吾輩之少知筆墨者皆宜絲繡而金鑄之道光志已著錄袁氏初刻版心下有儀雅堂三字咸同兵燹版燬光緒庚子五華書院合文略重刻儀雅堂三字已去院長河陽羅瑞圖序其緣起叢書處改編卷數另編卷目而存舊目卷數於下收入叢書

滇南文略四十七卷

清袁文揆張登瀛同輯揆見前集部三登瀛字翹岱一字小東蒙化人乾隆丙午舉人官賓川州學正是編卷一奏疏卷二表卷三

至六奏疏卷七奏疏荀子卷八檄上書策議教卷九至十一論書
卷十二書啓札諭解卷十三辨考卷十四五說卷十六說銘頌贊
引序卷十七至二十四序卷二十五六碑卷二十七至三十二記
卷三十三至三十五傳卷三十六七雜體題跋卷三十八墓表卷
三十九墓志卷四十行述誄詞擬騷擬表辭賦卷四十一二賦卷
四十三賦駢體卷四十四以下補遺分類稍瑣不及古文辭類纂
之善前有臨汾張允楫武寧王子音袁文典並登瀛文揆序凡例
五則自漢迄清乾嘉間人之文搜羅略備頗費苦心經萊陽初彭
齡吳縣潘世恩歸安葉紹棿鑒定並當時服官滇省及滇中負有
文學者數十人爲之評閱參校每文有眉評有總評每卷評閱人
列名於前書後總列評閱參校者姓氏已載滇詩略者從略嘉慶

壬戌成書五華書院重刻本增小爨碑文於卷二十五道光志已
著錄收入雲南叢書

小停雲館芝言十册

清師範輯範見前史部地理類雜志是書共十册計九十三人之
詩滇省十有八人其他各省七十有五人而江浙爲最多皆範同
時契友前有凡例七則自序一嘉慶乙丑刊於小停雲館自序云
諸生時習聞王西樵濤音集葉子吉獨賞集陳其年篋衍集之盛
心竊豔之乃有采蘭集之役所錄者雖僅鄉里交遊之作然斤斤
自守頗有抉擇今已半刻滇南詩略中辛酉秋既令望江邑爲吳
楚要衝凡同好之過訪者一帆兩槳直抵南郭外歲無虛月遂葺
小停雲館爲授餐地簿書少暇仍與邑紳衿把酒談讌每拈五七

字紀其事其未經至館者亦以郵筒相往來時日漸久積卷成帙
題曰小停雲館芝言陸續開雕借消鄙吝偶一展玩如親晤語經
云同心之言其臭如蘭記云與善人交如入芝蘭之室詩以芝言
名蓋舉芝已可兼蘭矣其滇人詩黃琮輯滇詩嗣音集已多入選
云

雷音集十二卷

清師範輯範見前條是書乃範官望江縣時搜輯望江往哲之詩
四十三家文六家而纂成之者詩文各六卷前有張葆光序云前
年訪荔扉先生爲授餐者數月得瞻覽山川古蹟意此間人殆磊
落英多者耶時先生方成二餘堂叢書邑人之文居其四採其文
則必採其詩其文美詩必佳也今又見是選彌歎先生之留心人

才不遺餘力如此夫振興文教而欲立之標準莫若以其鄉先輩
倡之楷模切近不慮歧趨爭自濯磨矣嘉慶乙丑刻書成以其稿
造雷音塔於望江東門外迴龍宮側以瘞之範有塔記以紀其事
古文筆法百篇四卷

清李雲程輯雲程見前集部三是書卷一對偶格四首就題字生
情格八首一字立骨格七首卷二起筆不平格十首雄偉格七首
奇異格四首波瀾縱橫格四首卷三曲折翻駁格四首小中見大
格七首感慨格九首曠達格七首卷四借影格八首寫照格二首
虛託格五首巧避格二首進步格二首華麗格二首無中生有格
一首正大格二首論文格四首凡百篇皆自漢魏以迄清初膾炙
人口之作每首有眉批旁批後又加以總批題下解釋題意並注

明撰者略歷前有自序及凡例六則論讀古文法二則論古文宜讀二則論化古文爲時文四則讀古文十五則古今文總論一則評選古文詩二首雲程是選意在以古文爲時文不至流爲卑靡李元度稱之海內翻刻無數後黃仁黼每首加以書後庸濫不足取

歷代大儒詩鈔

清谷際岐撰際岐見前集部三是書際岐輯唐自韓愈始至清陸隴其止四十四人之詩鈔各人史傳於前四庫提要次之而已加以考案前有吳錫麟初彭齡李奕疇序及自序道光志已著錄

滇南詩選八卷

清趙本敷張履程同輯本敷字直夫甕安人履程見前史部地理

類雜志有柏軒詩文集是書明二卷國朝六卷時保山袁文典文揆兄弟輯滇南詩畧不僅以詩存人有以人存詩者此則專以詩爲主本敷履程自有序而履程有評論一文冠前凡所選者各有評語皆極允當已刊行

啓蒙韻言一卷

清李文耕輯文耕見前子部儒家類是書所採除太公丹書外餘皆唐宋元明有關五倫八德所膾炙人口之作深合論語小子學詩之義因以易蒙以養正之語以名其書每一篇後綴以評語指示爲學爲人之方既詳且明可爲蒙學必要之書道光丙申春刻前有自序後有洛陽袁風清跋民國戊辰其裔孫李筱洲重刻捐版於省立昆華圖書館陳榮昌爲之序

五華五子詩鈔

清劉大紳輯大紳見前集部三是書爲大紳主講五華書院時選
昆明戴綱孫李於陽呈貢戴淳楚雄池生春雲州楊國翰五人
之詩序刊之

五華詩存

清劉大紳輯大紳見前條大紳主講五華書院講明正學於制藝
外並以古今體詩提倡獎勵主講九年選諸生之佳製而成此書
已刊行於世

太華山詩紀卷續一卷

清徐敏輯敏見前集部四是書經若干日時費若干精力銖積寸
累而成用心亦良苦也獨惜其隨手鈔錄未能通體完善然於文

獻亦極有關重要者卷上有薛紹濂序及自序首考太華山山形
順勢分考祠堂廟宇古寺古蹟順山勢分考名產菑祥采杜詩碧
嶢草補通志府志未載古蹟後有熊繼袞跋續集前有劉大紳序
詩後附張佳印遊太華記楊慎碧嶢精舍記王士性泛舟昆明池
歷太華諸峰記趙元祚羅漢巖龍湫記自跋其後道光志已著錄
無卷數

雜詩辨體二卷

清段永源輯永源見前別集類五是書永源取漢魏以來詩之各
體各錄一二以辨之前有自序道光戊申刻

滇詩嗣音集二十卷補遺一卷

清黃琮輯琮見前集部四有知蔬味齋詩鈔蜀遊草已著錄滇詩

自保山二袁纂輯滇南詩略乾隆以前之詩畧備琮掌教五華時又纂輯是書多乾嘉以後人詩而乾嘉以前爲袁氏所未得者亦得卅餘家而師範之小停雲館芝言劉大紳之五華五子詩鈔五華詩存徐有功之太華山詩鈔尹尙廉之存遺錄亦多採掇代搜訪者黎城王發越保山范仕義昆明戴綱孫南寧喻懷信爲最力合方外閨秀總二百六十一人經其母舅呈貢戴淳鑒定而范仕義又助以刊資前有琮自序咸豐元年刊成版藏五華書院同治癸亥燈宵之變馬榮踞省焚書院其版遂遭灰燼光緒辛丑昆明陳其寬重刻陳榮昌爲序於前光緒志清史稿藝文志已著錄今收入雲南叢書

唐文選粹

新纂雲南通志

卷七十八 藝文考八 滇人著述之書八

二二二

清朱庭碩輯庭碩見前集部四是書光緒志已著錄

滇詩重光集十八卷

清許印芳輯印芳見前子部雜家類是書清史藝文志已著錄長沙王先謙有序石屏袁嘉穀有跋滇詩嘉慶間袁廣文文典文揆昆季輯滇南詩略而乾隆前詩賴以有傳咸豐初昆明黃侍郎琮集滇詩嗣音集而道光以上之詩略備印芳復輯自道光至光緒初詩共二十家因名曰重光刻成卷數未分目錄並闕而卒未經選錄之詩尙遺數十人之稿遺囑寄劍川趙藩續成之民國初藩偕三迤耆儒輯刻雲南叢書釐爲十八卷並補編目錄收入叢書其所遺之數十人稿選入滇詩叢錄

滇秀集五卷

清許印芳編纂印芳見前條印芳主講經正書院以經史策論課院中肄業諸生是書即選錄諸生之列前茅者如李坤錢用中秦光玉袁嘉穀熊廷權李學仁趙荃楊覲東夏瑞庚等數十人之所作印芳加以評點光緒丁酉刻於院中一時滇中學人多取以爲法

經正書院課藝初二三四集

清陳榮昌選編榮昌見前史部地理類雜誌是書係榮昌任經正書院山長時選內外課諸生詩文編成四集四集者即光緒丁酉戊戌己亥庚子四年之課藝也已刊行版現存昆華圖書館滇省自創設經正書院以來人才輩出文風亦蒸蒸日上經正四集蓋與滇秀集五卷後先輝映云

麗郡詩徵十二卷麗郡文徵八卷

清趙聯元輯聯元見前經部諸經總義類有拙修庵讀書脞錄已著錄詩徵自序曰麗江爲郡領縣一州二廳二而二廳甫設學韻語鮮有聞二州一縣之爲詩者斷自前明迄於今茲得若干人凡詩若干篇略以年輩爲序分釐爲麗江詩三卷鶴慶詩三卷劍川詩六卷著錄之例折衷先民作者名氏之下間附小傳爲知人論世之助用元遺山中州集例也原稿或有微瑕間加刪潤期成其人之美用陳臥子明詩選例也感舊懷人不區存沒後進與及門下之士並附見焉用王述庵湖海詩傳例也又曰以詩傳人以人傳詩塗徑不敢隘持擇不敢苛不以恩怨爲去取不以多寡爲軒輊其第十二卷爲其子藩所補輯文徵自序曰予既輯麗郡詩徵

遂從事於文廣徵博采得麗江文二卷鶴慶文二卷劍川文四卷持擇不敢濫尤不敢苛拾遺掇佚顯微闡幽是其職志猶詩徵之輯也二書已收入雲南叢書

梨陽備徵吟二卷

清何宗淮撰宗淮字柏溪寧州人歲貢官元江州學正耆年篤學品重梓桑嘗選黎陽詩存功比於顧秀野此卷乃其自作專以備寧州修志及他郡之卓卓可傳者各系以詩蓋重在傳人也詩多樸茂之作選入滇詩叢錄中編中述事一首述哀一首畧見宗淮家世名門芝草宜永其傳也又按寧州地當衝要咸同之亂死節者多宗淮采以入詩亦彩雲百詠之附庸也

黎陽詩存四卷

清何宗淮輯宗淮見前條宗淮留心鄉邦文獻是書於寧州人詩搜采略備有功寧州文獻不尠

姚陽三先生遺書

清甘孟賢輯孟賢見前史部傳記類是書卷一高翮映維風權宜翼卷二饒乙生善誘錄卷三陳杰笏齋萃雲館遺文孟賢自序於前

蓮湖吟社稿二卷

清朱庭珍楊高德同輯庭珍見前別集類五高德太和人同治庚午舉人是編釐上下二卷上卷載陳鵬陳霖朱庭珍朱芬陳庚明吳世欽趙藩七人古今體詩一百七十七首下卷載張星柳施有奎李尙德宋嘉俊陳憲雷鳳鼎李坤七人古今體詩一百五十一

首皆清新雋永之作惟不載高德之詩簡端冠以庭珍高德輯書凡例七則中有稱詩社始於丙戌孟夏迄戊子秋已三年矣其例每月擇日一會公讌於集翠軒同人以次爲東道主至則各出一月所作互相就正選其最工者付梓云云此本乃光緒戊子集翠軒鈔版印行者

滇詩拾遺六卷

清陳榮昌輯榮昌見前史部地理類雜誌是編所拾遺者皆明滇人詩榮昌所得僅五卷卷六乃同邑李坤所輯以付榮昌刊行者其自序云吾於鄉先輩之詩凡已刊者未刊者及已刊而復毀者或有心訪得之或無意邂逅之必擇其尤雅者以存諸册名之曰滇詩拾遺蓋欲於袁氏詩略黃氏嗣音集許氏重光集之外廣其

搜羅也維思予之孤陋交遊不能廣耳目不能周安能網羅散失有裒然成帙之一日不獲已乃隨所得而錄之即隨所錄而刊之積至數十葉則別爲一卷又積至數十葉則又別爲一卷期於入吾手者不使之飄零散落斯已耳至時代之先後閱者合觀其人之敍略自能見之今固不及一一爲之次第也又卷六總目後榮昌自識云予既輯明代鄉先輩詩五卷厚安又爲旁搜博采成此一册因列之卷六時代益遠網羅益艱附刻賦數篇亦以得之不易欲其不復散失耳此卷詩賦乃坤披閱各縣志隨見隨鈔有與詩文略複者榮昌亦未及檢查其自編五卷每有榮昌評語甚精當清史稿藝文志已著錄收入雲南叢書

詩文評類

詩話類鈔古今詩評

明易翼之撰翼之見前經部春秋類是書道光志已著錄
文章正式

明李鼎元撰鼎元見前集部一是書道光志已著錄
蔭椿書屋詩話一卷

清師範撰範見前史部地理類雜志是書為範官劍川訓導時所
纂著者共六十三則中多收刻滇繫雜載內故此書未刻民國初
昆明華世堯購得範手稿上有劍川儒學印收入雲南叢書其手
稿裝潢成冊儲昆明圖書館寶藏中多有關於滇中掌故不斤斤於
論詩也

榆門詩話二卷

新纂雲南通志

卷七十八

藝文考八

滇人著述之書八

三七

清楊霽撰霽見前經部四書類是書道光志已著錄

詩法探源一覽

清李瓊英撰瓊英見前子部儒家類是書道光志已著錄
詩學啓蒙詩學輯要

清張坤撰坤見前經部四書類是書道光志已著錄

酌雅詩話二卷

清陳偉勳撰偉勳見前子部儒家類其味道軒詩鈔慎思軒文鈔
已著錄是書晰理至精持論至正不當專以詩話目之已收入雲
南叢書

文苑津梁

清朱庭碩撰庭碩見前集部四是書光緒志已著錄

詩法萃編十五卷

清許印芳撰印芳見前子部雜家類光緒辛卯印芳主講經正書院從而問詩學者甚衆印芳乃輯是書溯源詩序次錄漢魏六朝論文之編於詩有關者次錄鍾氏詩評遞及唐宋明清詩話擇尤薈萃凡十餘種爲初學批卻導窾索隱探賸門徑堂室歷然在目要旨微言靡不賅備收入雲南叢書

律髓輯要六卷

清許印芳撰印芳見前條是書印芳以元人方回瀛奎律髓論多失當雖經紀文達駁正之然又有失之過苛者乃輯要折衷歸於至當爲律髓輯要若干卷前六卷爲可法者後若干卷爲可戒者可法者印芳在生時已刻可戒者未刻雲南叢書處得卷六一卷

新纂雲南通志

卷七十八

藝文考八

滇人著述之書八

三二八

一並收入叢書中

詩譜詳說八卷

清許印芳撰印芳見前是書印芳以滇省窮邊小學失傳音義多訛乃檢習用而易誤者本說文訂正而詳說之以示後進收入雲南叢書

藥欄詩話二卷

清嚴廷中撰廷中見前集部四其紅蕉吟館詩存詩餘才華雅贍有聲大江南北間是書所採多一時交遊之名章秀句而論詩亦中肯綮書分甲乙兩集收入雲南叢書

味燈詩話二卷

清王寶書撰寶書見前別集類五有倉文詩集是書前有趙藩序

收入雲南叢書二編

筱園詩話四卷

清朱庭珍撰庭珍見前別集類五有穆清堂詩鈔庭珍家學淵源尤深於詩古今詩集流覽亦博是書前有自序云及門二三子曰載酒過從爭問詩法於予愧無以副諸君厚意乃以筆代口述予見聞所及為詩話四卷付之各錄一通用塞其請雖落落語言文字之迹然渡迷津者必假寶筏識歧途者莫如老馬姑導先路未始非學繡金鍼之度也夫無上妙諦貴心契於言外拈花微笑悟徹三昧詎復有法可說哉要所能言傳者略盡於是云云收入雲南叢書

詞曲類

新纂雲南通志

卷七十八

藝文考八

滇人著述之書八

三九

寶巖居詞

明趙炳龍撰炳龍見前子部雜家類有楸園雜識居易軒詩文鈔是書未刻滇詞叢錄錄十三首

皆山堂詩餘四卷

清段昕撰昕見前集部二有皆山堂詩集是書附集後滇詞叢錄錄二十一首

留月軒詞一卷

清周希旦撰希旦見前集部二有留月軒詩草是書共詞二十三首

蛻翁詞

清倪蛻撰見前史部雜志類有滇小記蛻翁詩文集是書附集

後演詞叢錄錄九十四首

憶舊詞一卷

清段時恆撰時恆見前集部三有鳴鳳堂詩稿是書師範有題詞
彩虹山房詩餘

清謝瓊撰瓊見前集部四有彩虹山房詩鈔是書專刻一冊演詞
叢錄錄三十首

抱真書屋詞鈔一卷

清陸應穀撰應穀見前子部術數類是書已刻附詩集後演詞叢
錄錄十八首

即園詩餘

清李於陽撰於陽見前集部四有即園詩鈔

新纂雲南通志

卷七十八

藝文考八

滇人著述之書八

四〇

紅蕉吟館詩餘一卷巖泉山人詞稿一卷

清嚴廷中撰廷中見前集部四其紅蕉吟館詩餘瘦紅集江寧顧
懷三有序後附紅豆箱賸曲一卷道光丙申刻於揚州巖泉山人
詞稿麝塵集後有補遺一卷最後附廷中新柳詩四首續新柳詩
十四首前有高密單爲鑑廷中小傳津門王增年序吳門張祿卿
跋廷中卒後其友人宮明府望東之哲嗣子行明府刊行祿卿謂
廷中詞筆加藐姑射仙子秀骨天然肌膚若冰雪綽約如處子而
復探姜張之窈渺辛蘇之豪宕雜以竹窗蘋洲之醒豁柳七黃九
之旖旎端木子疇評廷中集曰天分甚高下筆有鑄鑿造物之致
豐潤趙國華輯明湖四客詞鈔列廷中於首錄詞十四闋臨桂況
周頤選巷叢譚詞八闋

金碧山農詞一卷

清戴綱孫撰綱孫見前史部地理類省府廳州縣志有味雪齋詩文鈔已著錄綱孫詩文及身刻於京師此詞一卷共五十九首附詩水部集中未刻昆明華世堯得綱孫手稿自署金碧山農待焚草其詩昆明陳榮昌石屏朱庭珍刻爲味雪齋詩續鈔詞則劍川趙藩全數收入滇詞叢錄中

蕙溪詞

清趙惠元撰惠元字春亭劍川人諸生未冠病瘵卒是書未刻滇詞叢錄錄三首

漱芳詞

清喻懷信撰懷信見前史部傳記類有人鑑是書光緒志已著錄

滇詞叢錄錄十九首

填詞四種

清王壽昌撰壽昌見前經部四書類是書光緒志已著錄

滇雲詞一卷

清張璈撰璈見前別集類五有滇雲詩

牧鷗亦舫詩餘一卷

清趙瀚撰瀚見前集部四是書附詩鈔後

小赤城仙館詞

清鄭徽典撰徽典見前別集類五有小赤城仙館詩集是書未刻附詩後滇詞叢錄錄十四首

虛齋詞二卷桐村詞二卷

清陳榮昌撰榮昌見前史部地理類雜志其自序虛齋詞稱虛齋詞二卷名曰騷涕取離騷覽涕霑襟之意也辛亥秋末僑居滬上壬子春初方乃載筆凡三閱月成數百閱挈之歸里汰三存七云云又自序桐村詞稱桐村詞二卷名曰陶情非陶寫性情之謂其謂以我之情求合乎淵明之情也予昔僑滬詞名騷涕今老河干詞號陶情騷涕客中之作故妄援屈子之行吟陶情村居之作故竊比淵明之歸隱云云稿皮於家未經鈔版

性天風月

明蘭茂撰茂見前經部小學類是書坊間翻刻本甚夥中間詞句小有異同

緬瓦十四片

新纂雲南通志

卷七十八

藝文考八

滇人著述之書八

四二一

明何蔚文撰蔚文見前史部傳記類是書寫永曆帝播越西狩各情可歌可泣昔賢有稱之者書未見

秋聲譜

清嚴廷中撰廷中見前集部四是書傳奇凡三曰武則天風流案卷一名判豔曰沈媚娘秋窗情話一名譜秋曰洛城殿無雙豔福前有海昌周樂清序陽湖陸葆歸安嚴廷珏昆明謝瓊雲間許士杰白下葉覲儀武進盛熙瑞程蓮定遠陵泰磐諸人題詞又自記二後有朱蔭培跋自記云故山歸後忽忽寡歡斜月在門遠風生水秋聲從落葉中來如怨竹哀絲助人悽惻秋以聲爲譜吾且以秋爲譜若賞音無人則歌與寒蟲古樹聽之咸豐二年壬子周樂清刻於萊陽其秋聲譜金陵盧前明清戲曲史謂寫美人遲暮之

感作者於此感慨甚深云

新纂雲南通志

卷七十八

藝文考八

滇人著述之書八

四三